



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Ulrichi Hvtteni Eqvitis Germani Opera Poetica

Hutten, Ulrich von

[Frankfurt am Main], 1538

VD16 H 6395

Ulrichi Ab Hvttten Eqvitis Germani pro Ara Coritiana, quæ est Romæ,  
Epigrammata.

**urn:nbn:de:hbz:466:1-13027**

## HVTTENICA.

*Aut tua perpetuo, quod nunc Germania Cæsar,  
Ludibrium Romæ diripientis erit?*

*Quin mūdi imperiū, & caput hoc mūdi imperij  
(Nam possum haud aliud dicere) Roma tua est.*

AD CAESAREM DE  
bello Veneto.

*Sanguinis effusum ciuilis Cæsar abunde est,  
Iam credo hoc ducet Iulius ipse satis.*

*Accipiant Veneti dominum te, Gallus adoret,  
Publica Christicolæ foedera imite duces.*

*Te reuehat celebri Germania læta triumpho,  
Dehinc Asiam Christo cogat habere fidem.*

*Summa sit hæc rerum, uota hæc communia sunt,  
Quod uelit ille deum rector habere ratum.*

AD CAESAREM IMPERA  
torem Maximilianum Epi  
grammatum finis.

## VLRICHI AB HVT

### TEN EQVITIS GERMANI

*pro Ara Coritiana, quæ est Romæ,*

*Epigrammata.*

E



EPIGRAMMATA

**P**ropitius quondam Cretæis Iupiter oris,  
 Propitius fertur Sol habitasse Rhodi.  
 Pallas Athenæas præsens respexit ad aras,  
 Mœnialio statuit Pan sua sacra iugo.  
 Thura dat æquoreo Tenaros gratissima regi,  
 Fert Iuno altrici uota precesq; Samo.  
 Dilexere pios Phœbeia numina Delphos,  
 Syrtica cornigero fumat arena Ioui.  
 Præcipuè Maia genitum Cyllenia placant,  
 Tempa, Venus Paphia sustinet urbe coli.  
 Amphitryoniaden propriè colit ultima Gades,  
 Vulcanoq; magis Lemnia sacra litant.  
 Falsis ista deis, cultu meliore dicata est,  
 Ara salutifero Coritiana deo.  
 Hic natum, matremq; roges, auiamq; licebit,  
 Non falsos uera religione deos.

PRO EADEM.

Coritiana pios uenerari sacra poëtas,  
 Atq; ea carminibus semper adire nouis,  
 Vrbe aliquis tota defectas uatibus aras  
 Dum uidet, afficitur, in dubiumq; uocat.  
 Qui statuit, uatum pater est, sibi propria uates,  
 Desine mirari, templa statuta colunt.

VOTVM pro se in morbo pedis.  
 Orbe perarato terra omnia passus & undis,  
 Nunc etiam raptum peste agitante pedem,  
 Coritij pietate noua deuoluor ad aram.  
 Hac auia, hac mater, hac tibi nate prece,



## HVTTENICA

Da morbum cessare pedis, da robur ademptum,  
Sic nunquam his desint, cæraq; ihusq; focis.

### PRO ARA Coritiana.

Certum est Coritij patris sacellum,  
Quod fecere alij prius poëta,  
Non libo colere, aut mola recenti,  
Nec cæso boue uictima cruenta,  
Sed uersu, ingenioq; qualecunq; id,  
Da mi Musa aliquid nouum, dedisti  
Quod non his alijs prius poëtis.  
Consumpta est ait, ut nihil super sit,  
Omnis copia tot prius poëtis,  
Iuuat me tamen, & iuuabit usq;  
Que fors cunq; mihi sit, experiri,  
Quiddam ad Coritij patris sacellum.

### PRO EADEM.

Quot se uere nouo diffundunt gramina campis,  
Et quot tunc passim floribus albet humus.  
Mome Hybla quot alütur apes, quot acerba pruinæ  
Fundit hyems, quot habet sidera uterq; polus,  
Quot grauis autumnus dulces uindemiæ uuas,  
Sicca quot è Lybicus grana teruntur agris,  
Quot folijs uaga sylua uiret, quot sidus inundat  
Pleiadum guttis, quot fouet Ida feras,  
Quotq; in Atho lepores, quot in alto gurgite pisces,  
Quot patula uolucres aura aramur aues,  
Non bene quis numerat, sed nec numerare facultas,  
Coritij uersus quot serai ara patris.



EPIGRAMMATA

EIVS dem ad Columnneñ. Romanos Episc.  
 Dij medio in Latio solidam posuere columnam,  
 Qua Iouis interdum fessa quiescat avis.  
 Bellum erat, exierant Galli, exierantq; Leones,  
 Thuscus, in Euganea quiq; palude regit.  
 Fessus ibi quoties requiem sibi posceret Ales,  
 Fulciuit gratas illa columna uices.  
 Si numeres annos, medio si in Marte labores,  
 Hanc molem belli sustinuisse putes.  
 Viue columna diu, nulloq; intercide lapsu,  
 Quæ colis imperium sola, tenesq; fidem.

VLR. AB HVTTEN AD

CROTVM RVBIANVM DE STA

tu Romano, Epigrammata ex urbe missa.

Vidimus Ausoniae semieruta moenia Romæ.  
 Hic ubi cum sacris uenditur ipse deus.  
 Ingentem Crote Pontificem, sacrumq; Senatum,  
 Et longo proceres ordine Cardineos,  
 Tot scribas, uulgusq; hominum nihil utile rebus,  
 Quos uaga contexto purpura uestit equo.  
 Tot Crote qui faciunt, tot qui patiuntur & illos,  
 Orgia qui uiuunt, cum simulent Curios.  
 Rursum illos, qui nec simulant bona, nec bene uiuunt,  
 Qui rident mores, exhibentq; bonos.  
 Quos iuuat esse malos, quib, & licet, in iuga quorū  
 Consensit miseris Teutona terra modis.  
 Qui dant, quiq; uetant, qui quos clausere recludunt.

Ar